

**RAAMAT****Tulen ösel sulle koju**

Aapo Ilves,  
Väiku Kirjastaja 2009

**Olavi Ruitlane**

xxxxxxxxxxxxxxxxxxxxxx

Inemisel om mõistlik aig-aolt raamatupuuti minnä'. Rassõl kriisi aol om tuu jaos muidogi ka hüvvä ettekäänet vaia. S'ookord pias Ilvese Aapo mõnõ päävää ilst väljä tulnu' luulõraamat "Tulen ösel sulle koju" raha majast välläviimisõ ka piisavalt põhjust andma.

Tegemist om Räpinä vabadiigu koondkogoga. Tuu tähendäss, õt sinnä' om kokko kogot 14 aastaga vai rohkõmbagi mõtlõmisõ', tähele pandmisõ', jorina' ja mürrämisõ', mõnõ niisama muheda sõnaklotsõga ladumisõ'. Viil saa säält mõnõ kotusõ päält, hüäl kakukaa-mõra aol, püüdä' tävveste eloterhe hingetsirk, Aapo näü-tä-ä'i timmä inemisilõ väiga sagöhöhe, hingetsirk oõ-õi ka tiid mia meekest muttunu' met-sisõkikas, kiä päise päävää aol tervüsejuuskiõ ja kepikõndjilõ külge kargas, a ku tsirgul siski pudsajast kinni saat, nakas hind-dägi hingel hüä.

**Aapo aotunnelidõ piteh rändä-ä'i ja timä poesia-pöllulõ peräh pümmest-minekit uhvo' maandu-ei'.**

Ku jutukiränigu teksti või-va' essütii pääle viia', sis luulõ-tusõ perrä saat vooriga jo õk-valt arvo, mäntse inemisõga autoriga tegemist. Ilves, tim-mä tiidmäldä, nii lihtsalt hin-däst arvosaamist anna-ai, kõrd om tää tsiga, sis jälki kägo... ja risti tõisildõ.

Ku vötta' alusõs, õt edi-mäts' teksti' s'oo hamaaduh omma' kirotõ 14 aastaga iist ja viimätse' valu no', sis pias luulõtaja edesiminek olõma ni ku peo pääl nätä'. A tutkit — Aapo hindä nõrkust näättää'i, vötat mõnõ timä varahap-pa tett teksti ja vördlõt vahtsõ-bidõga, sis om nätä' kuis miis käänd aig-aolt esihindä aoh tagasi ja kirotas samasäntse to-naalsusõga ku sis ku meri oll haljap ja mõts sinitsep. Mia' näütä's, õt jo' 14 aastakka taga-si oll Aapo kirämehenä valms. A vaest ollegi...

Raamatust impulsiivsitus kos-militsi kontaktõ tõispoolsusõ-ga mõtõht otsi' oõ-õi'. Ilvese Aapo aotunnelidõ piteh rändä-ä'i ja timä poesia-pöllulõ peräh pümmestminekit uhvo' maan-

du-ei'. Tä om prohvesionaalnõ ja sadaüts protsentil kursih tuu-ga midä tää tege.

Kõik om kontrolli all ja ütelpuult tulõ tuu muidogi as'alõ kasus — terve inemisõ mõtete' omma' terve'. Tervidõ inemistõga om tervep. Tõõsõlt-puult on jälki veid' okõsõ halv, õt traditsioonilisi segätsit gee-niuspoeete nii ku Smaltz, Ju-han Liiv ja Indrek Rüütle inäp mano sünnü-ü. Eiski mitte lihtsalt segätsit märtsjeit nii ku Kurvitsa Lembit mitte. Aapo, kontrollimatlut märtsedä olõ-õi ju ummõhtõgi nii rassõ?

Raamadu makõpala' omma' kindla pääle lauluteksi-ti', määndsit om kaasi vahõ-lõ umajago tsusat. Seto-võro-keelitsit säählulgah, määndse' omma' mu meekest viil kae', õt kõõ maitsvamba'.

A ka tõisi lugudõ päält om nätä', õt õgas kirämiis umma pärítollu kuigimuudu kakk'i saa-ai, olõ sa seto vai vörökõ-nõ, eiski ku kirotat kirjakeeleh, õks kirotat nii ku seto vai vörökõnõ s'ood kirjota suut.

Peritolu tulõ suka nii vai naa üteh, nii väikoba-gi nüansõ ku ka keelekasutusõ ja su val-dusõh olõva jou läbi. Hüä om ka tuu, õt

toimõndaja valik om langõ-nu' laulutekstele, määndse' omma' ka lihtsalt lugõdõh, muusigast tiidmäldägi', kõrraku-luulõteksti'.

Ilvese laulutekstele tulõ mõnõ kotonõ pääl mano tuu tõõnõ, sõnnuga seletämäldä ja miiliga mõõdõtav "miaki" ja ufod tulõ' lõövää' taivah, pää kotsil, mõnõ kotonõ pääl he-lendlämmä küh, nii ku nää väi-ga ütsikidõ poeete puhul he-lendläse'... A peris pöllu pääle nää maaha tulõ-õi. Tuud olõs ka mudsulõ tuginõdõh liisnalt pall'o tahta'.

Raamadu toimõndami-nõ om läbimõtõd ja mõistlik, raamadu koton raamaturoi-li pääl, hüä väljänägemisõga raamatidõ, mitte õnnötõd, raadi päält är murtu luulebro-šüüre tolmuküllatsõh suvhlih.

Saa katötöistkümnellehe-lidsõ ja kõvvu kaasiga «Tulen ösel sulle koju» sihtgrupp pias olõma väiga lag'a, sist saa latsilõ lakja naaru, memmele põsõ pääle punna ja om ütte-töist ka tõsidsõlõ taadilõ targas pääganoogutamisõs. ■



TAUSTAKS SOOMUSRONG NR.5: meredessantrood enne Orava lahingut, paremalte teine J. Pitka. Foto Eesti Filmiarhiiv

# Vabadussõa üksusõ', inemisõ' ja juhtumisõ'

## 1919. aastaga aprillikuu suur sula vei minemä eiski Piusa jõõ raudtii silla. Söta pitä' oll rassõ, kirotas edesi aoluulanõ HÖRNA AARE mineävä numbri aolehe juttu «Kuis söah söditi».

Eesti söaväe kõkõ tugõvaba' riista' olli' soomusrongi'. Ve-revil oll Pihkva, Vahtsõ-Irboska, Petsere, Veski jaama vahõl nuid rohkõba 4 tükkü ja tegomoodult olli' nuu' eest-i ummist kindlahe pareba'. Eesti mehe' ja juhi' olle' ummi kõhnu soomusrongõ pääl üle-mõistusõ julgõ' ja väiga täpse silmä ja käega'. Üle väerin-na kuulsa' olli' soomusrongõ üleba' kapten Parts ja kapten Irv, 2. polgu ülep alap-kapten Kurvits, Scoutspataljon-i ülep kapten Pinka, Kalevlastõ Maleva päälik kapten Tõnson, merevääe ülep admiral Pit-ka, Kuperjanovi pataljon-i ülep kapten Unt, 1. ratsapolgu ülep Jonson, Põhja-Poigi juhat Setomaa rindõl major Snellman.

## Parts ja Irv

Soomusrongi üleba' Parts ja Irv olle' üle väerinna kuulsa' ku kõlmä närv ja ilmkustumalda' julgõ' mehe'. Partsiga oll nii, õt tä voidsõ söta sügavähe vere-vidõ säälä taadõ pelgämäldä' koti jaamist. Ku tii tagasi ar' lahuti, sis pantu puuhalo' katskisõ kotonõ pääle, visati dessant maaha ja kuulipritsi ja tüküülebä Sabo-loty täpse tulõga lüüdi tii puh-tast. Kapten eis oll püstü rongi katusõ pääl lahingut juhtmah.

Kuperjanovi partisanõ 29. ap-riili kuulsa ja kurb sannah' auk kirotõd eiski August Gailiti ro-maani «Isade maa»isse. Mol-niga küläh olõva' partisan'i naki' ütel vagatsõbal pääväl sanna tahtma. Pantigi sann küttüm-mä, kanti vesi, kaeti viha'. Jaeti

umavaihõl ar' sannah k'auminõ ja vahikõrra'. A juhtu tuu, õt kiä sannah, taha-as inäp säält väljä tulla', vahimehe' naksi' ka hil-lä-tassa vahipäält sanna hiilmä. Magusaba lõõna aigu naksi' kuuli' läbi katusõ juuskma, vihalõ aet verevää' tulli' pääle. Mehe' pidi' kipostõ paljalt kaivikihe kargamma, sis röngast läbi murdma, sis külä vahtsõt tagasi vôtma.

Partisan'i kaodi' sannata-misõ peräst 4 miist langõnuna ja 12 haavatuna.

Tiidä' ja tunt olle ka skautõ julgus. 24. mail ku naas Irboska ja Pihkva vabastusretk, pand' Nõukogodõ Vinne vägi Dubrovka külä man Pihkva-Riia kivistil kõvva vasta. Miihi mee-leolu hoitmissõt haard skautõ sanitar Nanelson lõõdsapilli ja tõmmas vallalõ «Marupini pol-ka». Mõnõ' mehe' karksi' püs-tü ja naksi' kuulirahe all tandsu lüüve ja püssä laskõh verevid-õlõ pääle minemä. Tuu haard kõik aheligu üteh. Nanelson ütel: «Noh, pia minemä», tömmas paar kõrda leinamarssi, saistas püstü ja sattõ kuulist ta-poutult vahtsõt maaha.

## Söamehe' karksi' maaha, panni' lüüsi' mängmä, tetti puul tunni mürtsu ja lasti jälki' kipost orgō piteh jalga

Lahingih oll kõgil üksuisil suuri kaotusi. Tagasihooldigu arvõstusõ perrä kaotõd pia 1000 miist.

Pitaluva külä all langõsi Kal-levlastõ Malevah Anton Ō-napuu, Eesti skautlusõ luuja ja Kalevi spordiseltsi üts asutajist.

Ülejuhataja Laidoner sõit sagõhõhe rindõlõ, õt miihile julgust anda' ja uma silmäga olukorda kaia'. 28. märtsil tull Laidoner üteh pääministri Konstantin Pätsiga ja Soomõ esindajä Kairamoga Piusa jaama Petsere töist vabastamist ettevalmstam-ma. Vastanõ oll Piusa jaamast 1-2 km kaugusõl. Õkva sis, ku

## Viis aojako

Petseremaa vabastamislahingidõ om viis suurõbat aojako. Veebruarih edimäne, eesti väe pääleminenek verevilõ, koh jouti Vahtsõ-Irboskan välli. Märtsih tõõnõ, eesti väe taganõminõ sälaga vasta Piusa jõõ ja Riia-Pihkva raudtiid. Aprilih, maih kolmas — väiko maa pääl puskloominõ, koh külä voidsõ k' avu' künnit kõrdu kääst kätte. Maih, augustih neläs — eesti väe jovvulinõ sõasõit, koh Pitaluva külä alt pääle naatõh vabastödi Pihkva ja jouti väljä Porhovi ja Ostrovi liinani. Miikse külast 1. ratsapolk kihot Väina jõõ kurapoolõ perve pääle, koh tertedi Poola ratsaulaanõ. Septembrist detsembrini viies — Eesti Vaba-riigi piire kindlustaminõ ja sõa võidukas lõpõtaminõ.

ülejuhataja pidi Eesti väle per-roonil kõnõht, avasi vainlanõ jaamalõ suurtükast tulõ.

Soomusrongõ pääligu Partsi-sõnlund tä edimäist kõrda kõr-alikku hirmu mõtõldõh, õt Eesti vői üte kõrraga ilma jäiä' nii üle-juhatajast ku pääministrist. Õn-nõst joosi' mürsü' veid' o kavvõ-bahe üle.

## Seto' ja Vabadussõda

Seto' aamõlikult eesti väke-ke veebruarih-aprillih jõvaa-as, mopp tetti suvõl. A sõta sai' mehe' läbi küüdivoori. Liinile veeti kas Lep-passaarõ, Piua-sa vai Petsere jaamast muuna hobõsidõga'.

Tõõnõ oll sõamiihi liinile vidämínõ, voidsõ olla' 1000 mehe sõidutaminõ, a voidsõ olla' ka' 30lisõ salkuga üle põlda, läbi mõtsu vainslõ sälätaadõ vai õkva sekka kihotaminõ.

Söamehe' karksi' maaha, panni' lüüsi' mängmä, tetti puul tunni mürtsu ja lasti jälki' kipost orgõ piteh jalga. Setodõ ja kohalikõ vindläisi tiijuhi oskusõ' olli' väiga hinnad'. Petseremaa vindläisiga oll tuu huvitav asi, õt Vahtsõ-Irboska vinne külä' olli' verevidõ miilise'. Nuist küllist rünnäti vinne valgit ja Eesti väkke. Pang' avitsa ja Laura kandi vindläse' hoi' Eesti väe pool. Eesti üleba' kaipsi' staapi,

õt olõ-õi külämihilõ niipall' o püssä verevidõlõ vastanakka-misõt väljä anda' ku mehe' tahtva'. Sagõhõhe vött külärah-vas kinni külli rüüvit ja rahvah marutivit komissaarõ ja tõi' läbi liini vangi. Eesti väega oll seto-dõl tiidäolõvalt läbisaaminõ hüä. Küllätüv küläh opsi' sõamehe kõõgõ lahingidõ aigu in-e-misi, õt koh om julgõ olla'.

Seto miihi liitu ka' lahingük-susõga' vai olti partisanist. Sa-kala kaitsõpataljon-i üts vöttlõ-ja om kõõlnu', õt Pang' avitsa kandib üts talomiis oll nuianu' hindale Lüüs kuulipritsi ja läts sis rinde taadõ hulkma. Tagasi tullõh oll seletänü': «Ronõ üsapissäga tii viiride puu otsa. Kae, verevää' tulõva'. Ku valangu panni, sis olõ-õs muud ku üts sitapurujutt takah.»

Augustikuu Irboska tagod-sõ liini ehtämínõ käve vinne ja seto külli tütüga, minkõ iist masti ka väigokõist palka.

Seto ja Vinne külä' kan-nadi' sää'l koh liin käve edesi-tagasi ja suurtükütili sais pi-kebält küllil pää'l. Serga külä ts'assongi sai Vabadussõnah pihta ja linnas kivve päält ma-aха. Üts mürsukild saadi re-mondi aigu kätte ja om parhil-la' pühase man lavava pää'l.

Mõni pereh vött peräst nimmi pandmisõ aigu väärni-mest Vabadussõast tutvist saa-nu' Eesti sõamiihi ummi. Nii omma' võtnu' Remmeli nime 2. diviisi insenerilt leitnant Remmeli perrä. Viimane oll Irboska kindlustustöje juht. ■